

L Ö G

16
24. marz

um breyting á lögum nr. 88 frá 1941, um girðingar til varnar gegn útbreiðslu næmra sauðfjársjúkdóma og heimild til samþykktu um fjárskipti.

RÍKISSTJÓRI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Við 11. gr. 3. málsgrein orðist svo.

Atkvæðisrétt um samþykktina hafa allir framteljendur búsettir í hreppnum, ef þeir hafa átt 25 kindur eða fleiri við síðasta skattframtal, áður en veikin kom sannanlega fram í fjárstofni þeirra, eða hafa síðar tekið við búu, er þeirri stærð nam, þótt gengið hafi saman vegna fjársýkinnar.

2. gr.

Lög þessi öðlast þegar gildi.

Gjört í Reykjavík, 24. marz 1944.

Sveinn Björnsson.

(L. S.)

Vilhjálmur Þór.

17
24. marz

L Ö G

um tilhögun atkvæðagreiðslu um þingsályktun um niðurfelling dansk-íslenska sambandslagasamningsins frá 1918 og lýðveldisstjórnarskrá Íslands.

RÍKISSTJÓRI ÍSLANDS

gjörir kunnugt: Alþingi hefur fallizt á lög þessi og ég staðfest þau með samþykki mínu:

1. gr.

Atkvæðagreiðslur þær, er greinir í þingsályktun, samþykktri á Alþingi 25. febrúar 1944, um niðurfelling dansk-íslenska sambandslagasamningsins frá 1918, og í stjórnarskipunarlögum frá 15. des. 1942, skulu fara fram 20. til 23. maí 1944 eftir því, sem nánar skal kveða á í auglýsingu ráðherra. Atkvæðisrétt eiga allir kjósendur til Alþingis samkvæmt gildandi reglum.

2. gr.

Atkvæðagreiðslur samkvæmt 1. gr. skulu vera leynilegar og skulu fara eftir kjörskrá yfir alþingiskjósendur, er gera skal í febrúar 1944. Skulu kjörskrár liggja frammi frá 1. til 10. apríl og kærur allar úrskurðaðar fyrir 20. apríl.

Kjörstjórnir eru hinar sömu og við alþingiskosningar.

Kjörstjórnir senda oddvita yfirkjörstjórnar þegar í stað skýrslu um tölu kjósenda í kjördeild hverri, en hann sendir síðan þegar viðkomandi ráðuneyti skýrslu um tölu allra kjósenda í kjördæminu.

3. gr.

17

Dómsmálaráðuneytið lætur í té atkvæðaseðla, sem nota skal við atkvæðagreiðsluna. Skal senda yfirkjörstjórn hverri atkvæðaseðla að tölu 10% fram yfir samtölu allra kjósenda í kjördæminu, og sendir oddviti hennar síðan formanni hvarrar kjörstjórnar í innsigliðum, þar til gerðum umslögum seðla 10% fleiri en kjósendur eru í umdæmi hans.

24. marz

Seðlarnir skulu vera þannig:

I	Þingsályktun frá 25. febr. 1944 um niðurfelling dansk-íslenska sambandslagasamningsins frá 1918: (meginmál ályktunarinnar orðrétt)
	já
	nei

II Stjórnarskrá lýðveldisins Íslands, samþykkt á Alþingi 1944.

	já
	nei

Þeir, er samþykkja þingsályktunina eða stjórnarskrána, setja kross fyrir framan „já“, en hinir fyrir framan „nei“.

4. gr.

Kjördagar skulu vera hinir sömu um land allt. Skal ráðherra auglýsa þá einu sinni í Lögbirtingablaði og ríkisútvarpi þrisvar sinnum á sem heppilegustum tíma.

5. gr.

Loka má kjördeild, ef kjörstjórn er um það sammála, þegar er 80% kjósenda hafa gefið sig fram, en þeim, er síðar kunna að koma, skal þá veita kost á að greiða atkvæði í öðrum kjördeildum, ef þeir sanna, að þeir standa á kjörskrá annars staðar í kjördæminu. Ef lokað er í öllum kjördeildum hreppsins, geta þeir gefið sig fram hjá oddvita kjörstjórnar, er tekur þá við atkvæði þeirra og bókar þar um í kjörbók.

6. gr.

Gerðabækur til alþingiskosninga skulu notaðar. Kjörstjórnir senda oddvita yfirkjörstjórnar þegar í stað notaða og ónotaða atkvæðaseðla í innsigliðum, þar til gerðum umslögum. Oddviti yfirkjörstjórnar auglýsir síðan stað og stund til talningar atkvæða, er fara skal fram opinberlega. Opnar yfirkjörstjórn að settum kjörfundi atkvæðasendingar og sannfærir sig um, að innsigli séu heil og ósködduð. Síðan skal láta seðlana í hæfilegt ílát, blanda þeim þar saman og síðan telja atkvæði, enda ræður meiri hluti kjörstjórnar, ef ágreiningur verður um gildi atkvæðis. Skal eigi meta atkvæði ógilt, nema um það megi villast, hvernig kjósandi greiði atkvæði.

17 Að talningu lokinni sendir yfirkjörstjórn ráðherra þegar í stað skýrslu um
24. marz greidd gild atkvæði („já“ og „nei“), ógilda seðla, auða seðla og afgangsseðla. Ráð-
herra birtir að lokum úrslit atkvæðagreiðslna í Lögbirtingablaði og ríkisútvarpi.

7. gr.

Um atkvæðagreiðslu utan kjörstaða skal fara eftir 64.—66. og 70.—75. gr. laga um kosningar til Alþingis, eftir því sem við getur átt.

Íslenskum ríkisborgurum, sem kosningarrétt hafa til Alþingis, en dvelja erlendis, er atkvæðagreiðslan fer fram, er heimilt að neyta atkvæðisréttar síns hjá sendiherra eða ræðismanni Íslands á þeim stað, og skal um það fara eftir ákvæðum þessara laga, eftir því sem við á.

Nú koma atkvæðabréf eigi til skila fyrr en eftir kjördaga eða atkvæðatalning, en fyrir gildistöku þingsályktunarinnar og stjórnarskrárinnar, og skal þá yfirkjörstjórn opna þau, og skulu atkvæðin þá talin með, enda hafi yfirkjörstjórn sannfært sig um kosningarrétt aðila.

8. gr.

Þeir, er sakir sjúkdóms, ellibrönnunar eða óhjákvæmilegra heimilisanna geta eigi samkvæmt drengskaparyfirlýsingu sinni og vottorði hreppstjóra í sveitum og oddvita yfirkjörstjórnar í kaupstöðum eða fulltrúa hans farið af heimili sínu eða dvalarstað til atkvæðagreiðslu, mega greiða þar atkvæði, enda fari sú atkvæðagreiðsla fram síðustu viku fyrir fyrsta kjördag eða í síðasta lagi á kjördegi. Um atkvæðagreiðslu fer samkvæmt 7. gr., svo sem við á. Oddvitar yfirkjörstjórna sjá um, að hver kjörstjórn fái nægilega mörg eintök af eyðublöðum undir yfirlýsingar þær, er hér getur. Hreppstjóri stjórnar atkvæðagreiðslu og kemur atkvæðabréfum til hlutaðeigandi kjörstjórnar.

9. gr.

Ákvæði 45., 47., 48., 60. og 61. gr. XII. kafla, 134. gr. XVII. kafla og XXI. og XXII. kafli laga nr. 80/1942 gilda um atkvæðagreiðslur samkvæmt lögum þessum að því leyti, sem þau láta ekki öðruvísi um mælt og við getur átt.

10. gr.

Lög þessi öðlast þegar gildi. Skal sérprenta þau og senda oddvitum yfirkjörstjórna hæfilega mörg eintök til útbýtingar meðal kjörstjórna í hverju umdæmi.

Gjört í Reykjavík, 24. marz 1944.

Sveinn Björnsson.

(L. S.)

Einar Arnórsson.